

آبونه شرائطی

ممالک عثمانیه ده سنه لکی (۶۵)، الق
آیاغی (۳۵۱) غروشددر .

ممالک احمدیه ده سنه لکی (۱۷)، الق
آیاغی (۹) فرانقدر .

اداره خانه

باب عالی جاده سنده دائره مخصوصه

اضطرابات

آبونه بدلی پشندر .

§

مملکه موافق آثار مع الممنونیه قبول
اولنور . درج ایدله بن یازیلر احاده
اولونماز .

تذکره

۱۳۳۰

اضطرابات

رساله مزیدان آلمدیغنی کو - ترمک شرطیه
بتون یازیلر هر هانکی بر خیزه طرفدان
اقتباس اولونه بیلیر .

§

مکتوبلرک، امضالرک واضح و اوقوناقی
اولمسی و آبونه صره نومروس مختری
بولونمسی لازندر .

§

ممالک اجنبدیه ایچون آبونه اولازلر
آدرسلرینک فرانسزجه ده یارلمسی دجا
اولنور .

§

پاره کوئدرلدیکی زان انه یه دثر اولدیغنک
واضحاً بیلدیلمسی دجا اولنور .

برأولوم چو جوغك اوقدر امكلىنى، بنم اوقدر اميدلر بى نارمارايتدى، كيتدى!

شو تعزيتنامه يى كوندرك قدر شناسلغنده بولنان اسماعيل حقى بك افندى، هم مرحومك معلمى، هم مملكتتمزك يكانه علم حيوانات متخصصيدر. جودتك قيمت علميه سنى اويله صلاحيتدار، اويله بويوك بر آغيزدن ايشتيديكم ايچون، بوقدر حقيقى بر مائمه قارشى نه قدر متسلى اوله بيلمك ممكن ايسه بنده اوقدر تسلى حس ايدىيورم. جناب حق احمد جوده رحمتلر، مغفرتلر؛ اسماعيل حقى بك افندى يده اوزون عمرلو بر چوق جودت يتيشديرمك ايچون موفقيتلىر و يرسين آمين.

محمدعا كف

مرجعنك نظر دقتنه!

لالهلى جامعشرىفك اتصالنده كان اشجى دكاننده احكام دينيه مزه مغاير اوله رق [بوراده از ميرك خالص اوزوم راقيسى صايلور] عبارده سنى حاوى لوحه نك دكانك پنجره سنه تعليق اولنمش اولديغنى كمال تعجب واسف ايله كوردك. حالبوكه سنده لردنبرى اوغرامقده اولديغمز بونجه فلاكتلر، بونجه مصيبتلر سبب يكانه سى دينزه اولان عدم اهتمام ومبالايتسز لغمزدن ايلرو كلشدر. چونكه عادات مايه وعنعنات دينيه سنه خلوص قبله مربوط اولميان اقوامك محكوم انقراض وزوال اوله جنى بدسيهات اموردندر.

ذاتاً بز حبل متين آلله يه صارلديغمز او آوان مسعدت واقبالزده صرف احكام شرعيه اتباع ايتديكمز دندر كه حدودلر يمزى تا پيره نه اتكلرينه قدر توسيع ايتدك. فقط وقتا كه بورابطه بزدن كسيلىدى؛ دوچار اولديغمز فلاكت؛ اوغرامديغمز مصيبت قالمدى.

بناءً عليه بويله بر جامعشرىف قرينده و بر اسلام تجارتكاهنده ديناً اخلاقاً، صحة مضر اولان بوكى شيلر رواج بولمامليدر. بوو امثاللك منعى حكومتزك متصف اولديغنى اجراءات ديانتپوريسندن بكلرز.

نظر امكانكزه عرض ايتمش اولديغ شو حادنه بر اسلام دكاننده وباخصوص بر جامع شريفه عائد وقف دكانده وقوع بوليور...! بو حال اسف اشتباه قارشى اغلاماق قابليدر؟ اسلاملرده بوكى قبيح ومذموم احوالك كورولمه سى كندى بيلنلر ايچون نه قدر بادى تأسف اولديغنى سويلكه احتياج يوقدر.

ناچيزانه افاده ايده بيلديكمز شوايكى سطرلق بتون اسلاملى دلخون ايدن حالك جريده محترمه لر ينك بر كوشه سنه درج بيورلمسنى تمنى ايلرز. دعوى وكيلى

محمدتوفيق ابراهيم سنيح

پوسته لرده سوء استعمالات

بر مدتدن برى مکتوبلر آچيله رق ايچنده كى يولار آشيراقده در. بويوزدن بچاره طشهره اهاليلى بويوك ضررلره دوچار اوله رق پوسته لر مزه

قارشى امنيتسزلك اظهار ايدىيورلر. بز بر چوق دفعه لر بو خصوصده پوسته نظارتك و تأثله نظر دقتنى جلب ايتك ايتسه دك ايسه ده موفق اوله مدق. حالبوكه بويله بر يولسزلك و قوفنه قضاعت حاصل ايدن پوسته نظارتى ايچون:

— نه يابلم؟ يازيكز، قارلركز پول كوندرمه سونلر...

ديكمى دوشر؟ يوقسه همان اجراى تحقيقايات ايله فاعل جرمى جزا ديده ايتكمى ايجاب ايدر؟ پوسته خانه نك دائماً بلكك مدافعه سى: «مكتوبله پول كوندرك ممنوعدر. «بك اعلا، مادام كه ممنوعدر، نهدن پوسته شعبه لر ينك بو ممنوعى ارتكابه مسامحه كوستريور؟

پوسته نظارتى بو مسئله يى قطعى اوله رق حل ايتلى در. يا بولى محتوى هېچ بر مکتوب قبول ايتمه مى در، يا خود قبول ايدنجه آرتيق او مکتوبى تجاوزدن مصون بولوندير مى در. باخصوص كه بولى محتوى اولان مکتوبلر هې تعهدلى در. بويله ايكن ينه جراتكارلر چاره سنى بوليور، پوللرى آشيرىيورلر. نظارتده بوكا واقف اوليور. چونكه مثلاً اوزرنده اون غرام ديه يازىلى بولونان بر مکتوبى شبهه ايدرك طارتيور. بش غرام اولديغى اكلاشيلور؛ صوكرا «شبهه اوزرينه بومكتوب طارتيلىدى، بش غرام ظهور ايتدى.» ديه اوزرينه برده امضا آتيور. كتيروب مکتوبى بزه تسليم ايدىيور. بوكا نه دينر؟ بوكا احتمال كه بزم كى پوسته نظارتى ده حيرته در. پوسته لر مزك كوندن كونه انتظام وترقى كه كيرمكده اولديغى بر صررده پوسته نظارتى بوكا ده جدى وقابل تطبيق بر چاره دوشونسه هر حالده بويوك برخير ايشله مش اولور.

بو هفته كى مکتوبلر مياننده ايچزدن پوللرى آشيربلان مکتوبلر ك مخرجليله مرسللرى بروج آتى قيد ايدىيورز:

۱ — پتوركه ژاندارمه قوماندانى نديم بكك ۳۵ نومرولو تعهدلى مکتوبى دروننده كى ۲۴ غروشاق پول آشيريلشدر. ظرفك اوزرنده مخرج پوسته سى ۱۰ غرام ديور. استانبول مركز پوسته سى ده شبهه اوزينه طارطلدى، بش غرام ظهور ايتدى. «ديور.

۲ — آندرين ناجيمسى قاضيسى ابراهيم ادهم افندى نك ۱۹ نومرولو واعاده لى تعهدلى مکتوبى دروننده كى اللى درت غروشاق پول آشيريلشدر.

۳ — اطنه ولايتى داخلنده كلنار قضاى مفتيسى محمد حقى افندى نك ۳۶ نومرولو تعهدلى مکتوبى دروننده كى اون اوج غروشاق پول آشيريلشدر.

مرسلر مکتوبلر بى تسليم ايتدكلرى پوسته خانه مديرلر بنده مراجعت ايدرك مرتكبلر ك ميدانه چيقيمسنى طلب ورجا ايدرلر سه استانبول مركز پوسته خانه نك وظيفه تحقيقه سنى تسهيل ايتمش اولورلر.

ع. اشرف اديب

«توسيع طباعت» مطبعه سنده
باصيلمشدر